

e-Dinamik

MAJALAH DIGITAL AKADEMIa UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَیِّدَتِیْ سَیِّدَتِیْ سَیِّدَتِیْ سَیِّدَتِیْ سَیِّدَتِیْ
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.

DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PENGURUSAN HUTANG MAMPAN

Bazri Abu Bakar, Norfariza Mohd Ali, Tan Yan Ling

Bajet Malaysia bagi tempoh tahun 1990 sehingga tahun 2025 menunjukkan strategi yang sentiasa berkembang sepadan perubahan ekologi ekonomi dan sosioekonomi dunia. Bajet terbesar di dalam sejarah berlaku pada tahun ini dengan peruntukan sebanyak RM421 billion dengan fokus kepada enam 'Kerangka Ekonomi Madani' iaitu kemampanan, kesejahteraan, daya cipta, kehormatan, keyakinan, dan ihsan. Bajet 2025 menumpukan penyatuan fiskal dan pembaharuan struktur, dengan sasaran defisit menurun kepada 3.8% daripada KDNK. Usaha ini didukung melalui peningkatan hasil negara, kecekapan perbelanjaan, dan dasar fiskal yang strategik, sambil memperkukuh daya saing, kesejahteraan sosial dan pelaburan asing..

Dalam kerangka belanjawan ini, dua paksi utama digariskan iaitu punca pendapatan dan hala tuju perbelanjaan. Sumber kewangan negara digerakkan oleh kutipan cukai, eksploitasi sektor ekonomi utama, serta pinjaman dalam dan luar negeri. Lebih 50% hasil negara diagihkan kepada tiga keutamaan emolumen penjawat awam, tanggungan hutang, serta jaringan subsidi dan bantuan sosial.

Hutang kerajaan merupakan salah satu instrumen pembiayaan negara yang bergantung sepenuhnya kepada perancangan fiskal kerajaan. Situasi lebihan berlaku apabila perbelanjaan dirancang lebih rendah daripada pendapatan dijangka, manakala sebaliknya untuk defisit. Malaysia mencatatkan lebihan fiskal hanya antara tahun 1993 hingga 1997, manakala tahun-tahun lain, khususnya 2021 sewaktu pandemik COVID-19, menunjukkan defisit paling tinggi. Hutang negara membawa komitmen besar terhadap pembayaran faedah, dan kegagalan pembayaran akan mendedahkan negara kepada risiko ekonomi seperti kemelesetan, penyusutan nilai mata wang, inflasi, dan peningkatan kos pinjaman.



Kesan domino ini menghakis keyakinan pelabur, menjejaskan perbelanjaan pengguna dan pelaburan perniagaan, serta mengheret negara ke dalam krisis sosial, ketidakseimbangan sosio-ekonomi, ketidakstabilan politik dan kehilangan kepercayaan rakyat. Akhirnya, negara boleh disingkirkan daripada pasaran kredit antarabangsa, mengalami peningkatan kos pinjaman akibat skor kredit yang lemah, dan berdepan kitaran pertumbuhan ekonomi yang tidak menentu serta tekanan fiskal yang berpanjangan.

Kebergantungan kepada hutang sebagai sumber kewangan negara menuntut pengurusan yang strategik dan efisien. Kerajaan perlu memastikan setiap ringgit yang dipinjam memberikan pulangan kepada pembangunan dan kebajikan rakyat. Melalui perluasan hasil dan kawalan perbelanjaan, kerajaan mampu mewujudkan imbalan fiskal yang lebih kukuh.

Trend defisit fiskal yang semakin menurun sehingga 2025 memberi isyarat positif, dengan sasaran kurang 3% menjelang 2030. Sekiranya trend ini berterusan, beban hutang dapat dikurangkan, manakala lebihan fiskal kelak membuka laluan kepada pengurangan hutang keseluruhan. Ini akan menyumbang kepada pertumbuhan ekonomi yang mampan, kestabilan politik, dan peningkatan taraf hidup rakyat secara menyeluruh.

Rujukan:

[https://theedgemaalaysia.com/node/765303/The State of the Nation: Federal debt to rise past RM1.7 tril by 2030, 13MP fiscal pointers show](https://theedgemaalaysia.com/node/765303/The-State-of-the-Nation-Federal-debt-to-rise-past-RM1.7-tril-by-2030-13MP-fiscal-pointers-show)

[https://www.bharian.com.my/berita/nasional/2024/10/1312728/inti-pati-belanjawan-2025/Inti pati Belanjawan 2025](https://www.bharian.com.my/berita/nasional/2024/10/1312728/inti-pati-belanjawan-2025/Inti-pati-Belanjawan-2025)